



Publicaziuns dalla vischnaunca, jamna 35

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2015 – 1032.000

Damian Deflorin-Tuor, Via Pervenda 2, 7180 Disentis/Mustér; sanaziun exteriura dalla casa, engondaziun dil balcon, parcella 623, Via Pervenda 2, 7180 Disentis/Mustér.

Disentis/Mustér, ils 26 d'ust 2015
Uffeci da baghegiar Disentis/Mustér

Cussegl da vischnaunca

Contribuziun per sanaziun baselgia claustrala sogn Martin e credit da planisaziun (projectaziun ed execuziun) per la sanaziun dalla casa da scola «nova» Cons.

En sia seduta dils 21 d'ust 2015 ha il cussegl da vischnaunca sut il tgamun dad Edgar Durschei tractau pliras fatschentas. Precedent alla seduta ha il cussegl da vischnaunca priu investa dalla serenera a Raveras e schau informar a moda cumpetenta dallas investiziuns previdas ella serenera e canalisaziun.

Silsuenter ei il cussegl da vischnaunca serendus ella sala Peter Kaiser en Claustra per tractar las fatschentas. Primarmein ei cusseglier Adrian Deflorin vegnius saramentaus. Silsuenter ei il cussegl vegnius orientaus dalla situaziun finanziaria davart igl allontanament e la purificaziun dallas auas. Senza in considerabel augment dallas taxas da diever eis ei buca pusseivel da contonscher sco prescret in equiliber finanziel tier quella finanziaziun speciala.

Il cussegl da vischnaunca tracta la damonda dalla Claustra benedictina per ina contribuziun dad in milliun francs per la sanaziun dalla baselgia sogn Martin. Las relaziuns e la collaboraziun denter la Claustra benedictina e la vischnaunca ein fetg stretgas. La Claustra ha influenzau duront tschentaners la vischnaunca e la vallada. Sper in center religios, intellectual e cultural ei era la scola gimnasiala da gronda impurtonza per la Surselva. In bien svilup economic ei per la Claustra indispensabels per garantir in bien futur. La Claustra cun la baselgia, il museum ed in calender d'occurranzas pulpius ha gronda muntada turistica per nossa destinaziun. Per augmentar l'attractivitat dalla Claustra ei il plaunterren aviarts per la publicitad e las purschidas da pernotaziun, gastronomia e seminaris vegnan apprezzadas en nies vitg e nossa regiun. Il cussegl da vischnaunca conceda unanimamein, per mauns dalla votaziun all'urna dils 18 d'october 2015, ina contribuziun da frs. 1 000 000.– per la sanaziun dalla baselgia claustrala sogn Martin, pagabla enteifer diesch onns. **Mustér senza la Claustra fuss buca Mustér.**

La vischnaunca da Mustér dispona d'ina vasta infrastruttura pil scolaesser e pil sport da scola. Ils baghetgs a Cons surveschan denton buca mo alla scola sco tala, mobein era ad ulteriuras instituziuns sco per exempel alla biblioteca ni alla ludoteca. La purschida entuorn il menaschi da scola ei fetg buna e vegn era apprezzada fetg. Quei semuossa buca il davos ellas frequenzas. El decuors dils davos onns ein la halla Cons e la part dalla scola veglia vegnidada sanadas successivamein. Quellas parts sepresentan oz en in plascheivel vestgiu.

Ils edificis surveschan d'ina vart allas scolas, scola da musica, logopedia e da l'autra vart a biaras uniuns e societads da sport e cultura sco locals d'exercezi e per la scolaziun da carschi. Per mantener ils baghetgs da scola en in bien stan e garantir il manteniment necessari, ei ina sanaziun parziala dalla casa da scola «nova» indispensabla, gie absolutamein necessaria. Gest pervia dil svilup demografic ella regiun eis ei tonpli impurtont ch'ils stabiliments da scola seigien en in bien stan e conform al temps per daventar in center da scola. Seposiziunar sco scola regiunala ei la strategia suprema cunzun per il scalem superiur. Il temps per ina sanaziun dalla casa da scola «nova» ei ussa pli che madirs. Ils criteris energetics pretendi duein vegnir risguardai cumpleinamein, quei che porta contribuziuns e cunzun respargns vid ils cuosts da menaschi. Unanimamein conceda il cussegl da vischnaunca in credit da frs. 450 000.– per la planisaziun (projectaziun ed execuziun) per la sanaziun dalla casa da scola «nova» Cons ed il plaz da scola cun sutmetter quella fatschenta al referendum facultativ.



L'interpellaziun concernent la situaziun futura sil sector turistic enteifer nossa vischnaunca in-oltrada da cusseglier Flavio Murer ha la suprastonza communal respundiu sco suonda:

La damonda dil futur turistic da nossa destinaziun fatschenta la suprastonza communal intensivamein. Il cantun s'engascha ils davos onns medememain cun intensidad schibein finanzielmeins sco era cun resursas persunalas per rinforzar il svilup economic e turistic sisum la Surselva. Aschia ei il cantun trumpaus che las discussiuns en connex cul turissem pericliteschan quellas finamiras. La regenza pretenda en connex cul program «Progetto San Gottardo 2020» (PSG) ina collaboraziun turistica denter Mustér e Sedrun. En quei connex stattan cunzun la finanziaziun dallas colligiaziuns dallas pendicularas Andermatt-Sedrun e Mustér-Sedrun el focus. Ils partenaris ein secunvegna sco suonda:

- Las treis vischnauncas sustegnan ina destinaziun turistica communalbla Andermatt-Sedrun-Mustér cun partenaris eguals.
- Concernent ils mieds finanziels e la marca duei exister ina flexibilitad commensurada, aschia che mintga partenari ha la pusseivladad da realisar atgnas activitads (p.ex. il Rein, la Claustra).
- Ina part essenziala ei ina colligiaziun da tariffas denter las pendicularas da Mustér ed Andermatt-Sedrun.

Il meins november 2015 decidan ils partenaris definitivamein davart la fundaziun d'ina destinaziun turistica communalbla. Il datum operativ vegn fixaus pli tard. A vesta dalla situaziun nova ei la vischnaunca da Tujetsch pronta da porscher maun per ina sligiaziun transitoria.

Suprastonza communal

Referendum facultativ

A caschun da sia seduta dils 21 d'uost 2015 ha il cussegl da vischnaunca concediu unanimamein in credit da frs. 450 000.– per la planisaziun (projectaziun ed execuziun) per la sanaziun dalla casa da scola «nova» Cons e la piazza da scola.

Conform ad art. 21, lit. c dalla constituziun communalbla ei quella decisiun suttamesa al referendum facultativ. Il messadi tier sura conclus ei exponius per investa en casa communalbla (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Sera d'informaziun publica davart la meglieraziun funsila Publicaziun dil project d'exposiziun

Venderdis, ils 11 da settember 2015 allas 20.15 ha liug en halla Cons in'orientaziun publica davart la publicaziun dil project d'exposiziun dalla meglieraziun funsila.

Ils acts da meglieraziun ein exponi naven da venderdis, ils 11 da settember entochen gliendisdis, ils 12 d'october 2015 ella stanza da sedutas el plaunterren dalla casa communalbla e quei mintgamai gliendisdis entochen venderdis duront las uras da spurtegl (9.00–11.30/ 14.00–17.00).

Igl inschignier responsabel ed il president dalla cumissiun da meglieraziun stattan a disposiziun per informaziuns venderdis, ils 18 da settember e venderdis, ils 25 da settember 2015 mintgamai dallas 14.00 entochen allas 18.00 el local d'exposiziun.

Naven dils 11 da settember 2015 eis ei era pusseivel da prender investa dil project general via internet (<http://www.cavigelli.ch/dienstleistungen/oeffentlicheauflagen/>).



Tuts interessai ein cordialmein envidai a quell'occurrenza d'informaziun en favur dall'agricultura e dil turissem.

Suprastonza communal

Staziun MGB Segnas

Las lavurs vid la nova via da colligiaziun alla staziun da Segnas s'avonzan. Naven da **venderdis, ils 28 d'uost** vegn il surpassadi ost serraus definitivamein. Il traffic vegn aschia empelaus sur la via nova. Duront las lavurs da catram vegn la via serrada parzialmein. Quei succeda ca. naven dils 7 da settember entochen entschatta october.

Per Vossa capientscha engraziein cordialmein.
La survigilanza da baghegiar

Controlla da habitonts

Naschientscha

Anean Caderas, naschius ils 20 d'uost 2015, feagl da Nicole e Roman Caderas.

Gruppa da gimnastica senioras

Las vacanzas ein finidas. Nus entschevein cun nossa gimnastica ils **4 da settember 2015**.

Urari: Mintga venderdis, 13.30–14.30 halla Cons.

Cordialmein envidein nus nossas commembras.

Tgi enconuscha buca nossa gruppa da gimnastica senioras?

Sche ti has plascher dalla gimnastica, neu e fai ina nunligiont tier nus.

Sclariment per tel. 081 947 56 43, 081 947 53 32.

Ad in bien e frestg seveser

Las menadras

Emprem tir cantunal dalla pps Grischun

Dumengia, ils 30 d'uost ha liug a Mustér igl prem tir cantunal dalla pps dil Grischun. La pps Surselva envida cordialmein tut ils commembers, simpatisants, hosps e convischins al tir cantunal.

Liug: Sars Sut-Fontanivas, Mustér

Temps da tir: 9.00–16.00

Disciplinas: 25 meters pistola, 100 meters buis

Per la participaziun saveis vus s'annunziar sut la pagina www.svp-surselva.ch ni tier pablo.maissen@bluewin.ch

Präsident SVP Surselva, Pablo Maissen

Mira inserat!

Erstes Kantonales Schiessen SVP Graubünden

Sonntag, 30. August, findet in Disentis das erste Kantonale Schiessen der SVP statt. Die SVP Surselva ladet ganz herzlich die Einwohner, Sympathisanten, Gäste und Mitglieder zum ersten Kantonalen Schützenfest ein.

Ort: Sars Sut-Fontanivas, Disentis



Schiesszeit: 9.00–16.00 Uhr
Disziplinen: 25 Meter Pistole, 100 Meter Sturmgewehr
Anmeldungen fürs Schiessen bitte unter: www.svp-surselva.ch oder pablo.maissen@bluewin.ch

Präsident SVP Surselva, Pablo Maissen
Siehe Inserat!

Forum cultural internaziunal Mustér FCIM

Sonda, ils 19 da settember 2015 naven dallas 13.00– ca.24.00 ha liug el Center da sport e cultura a Mustér ina scuntrada denter Portughes e Grischuns.

Nus selegrein da vossa viseta. Informaziuns detagliadas anfleis vus sut www.forum-disentis.ch

Uniun samaritana Mustér

Nies proxim exercezi meinsil ha liug **gliendisdis, ils 7 da settember 2015.**

Nus serimnein allas 19.30 sigl areal dalla Strabag a Funs. Trer en buns calzers e resti tenor l'aura.

A stedia participaziun envida
la presidenta